



## Služba za društvene djelatnosti i upravu

Broj: 03-20-2703/22  
Lukavac, 17.06.2022. godine

Na osnovu Odluke o raspisivanju Javnog poziva za sufinansiranje nabavke mineralnog đubriva za proljetnu sjetvu merkantilnog kukuruza u 2022. godini na području Grada Lukavca broj: 02-02-2613/22/22 od 13.06.2022. godine, Služba za društvene djelatnosti i upravu raspisuje:

### **JAVNI POZIV za sufinansiranje nabavke mineralnog đubriva za proljetnu sjetvu kukuruza u 2022. godini na području grada Lukavca**

Predmet Javnog poziva je prikupljanje prijava (zahtjeva) za sufinansiranje nabavke mineralnog đubriva za proljetnu sjetvu kukuruza u 2022. godini na području grada Lukavca.

#### **I. PRAVO UČEŠĆA**

Pravo na podnošenje prijava (zahtjeva) po ovom Javnom pozivu imaju korisnici (obrtnici, pravna ili fizička lica) koja ispunjavaju slijedeće:

##### **A) OPĆE USLOVE:**

- da imaju prebivalište, odnosno poslovno sjedište na području grada Lukavca,
- da su upisani u Registar poljoprivrednih gazdinstava i Registar klijenata, (u daljem tekstu: RPG i RK),
- da su izvršili kupovinu mineralnog đubriva za proljetnu sjetvu merkantilnog kukuruza u 2022. godini,
- imaju u posjedu obradivo poljoprivredno zemljišta ili Ugovore o zakupu poljoprivrednog zemljišta ili Ugovor o korištenju zemljišta bez naknade ili da koriste poljoprivredno zemljište za proizvodnju merkantilnog kukuruza uz pisanu saglasnost posjednika poljoprivrednog zemljišta na Zapisnik Komisije Gradonačelnika.

##### **B) POSEBNE USLOVE:**

- da je poljoprivreda osnovno ili dopunsko zanimanje,
- uspostavljena proizvodnja kukuruza na površini od najmanje 0,5 ha, a najviše na 2,0 ha:
- posjeduje poljoprivrednu mehanizaciju ili da koristi usluge poljoprivredne mehanizacije za proizvodnju kukuruza,
- da su uredno ispunili obaveze iz svih prethodno sklopljenih Ugovora o dodjeli novčanih sredstava iz Budžeta Općine Lukavac po raspisanim Javnim pozivima iz prethodnih godina,
- imaju iskustvo u proizvodnji merkantilnog kukuruza.

#### **II. POTREBNA DOKUMENTACIJA**

Zainteresirani poljoprivredni proizvođači podnose prijave (zahtjeve) u Šalter Sali Grada Lukavac u kojem treba da navedu:

1. Prezime, ime oca, ime/Naziv firme, mjesto stanovanja/sjedište i broj telefona;
2. Ovjerena kopija rješenja o upisu u sudski registar, odnosno ovjerena kopija odobrenja

Strana 1 od 2



ISO 9001:2015  
No. 308550 QM15

Grad Lukavac - Gradonačelnik, Trg slobode 1, 75300 Lukavac  
[www.lukavac.ba](http://www.lukavac.ba), e-mail: [kabinet-nacelnika@lukavac.ba](mailto:kabinet-nacelnika@lukavac.ba)  
Tel. +387 35 366 700, fax: +387 35 366 703



ISO 9001:2015  
No. 308550 QM15

- nadležnog organa za obrtničke djelatnosti za poljoprivredu i ovjerena kopija uvjerenja o poreznoj registraciji (ID broj) (za pravna lica i obrtnike);
3. Dokaz o kupljenom mineralnom đubrivu za kukuruz i to:
    - Pravna lica kao dokaz dostavljaju poreznu fakturu sa fiskalnim računom i izvod iz banke o plaćanju porezne fakture (original ili ovjerena kopija),
    - Fizička lica i obrti kao dokaz dostavljaju fiskalni račun ili otpremnicu na kome je upisano ime i prezime kupca, odnosno naziv obrta sa fiskalnim računom (original ili ovjerena kopija),
  4. Ovjerena izjava da:
    - posjeduje poljoprivrednu mehanizaciju ili da koristi usluge poljoprivredne mehanizacije za proizvodnju merkantilnog kukuruza;
    - ima iskustvo u proizvodnji kukuruza i da je merkantilni kukuruz zasijao u proljetnoj sjetvi u 2022. godini na zemljištu koje ima u posjedu ili ima Ugovor o zakupu ili na zemljištu za koje će posjednik poljoprivrednog zemljišta dati pisanu saglasnost na Zapisnik Komisije Gradonačelnika;
  5. Naziv banke i broj žiro računa banke;
  6. Dokaz o uplati administrativne takse.

Visina novčanih sredstava za sufinansiranje mineralnog đubriva iznosi 80,00 KM po dulumu, odnosno najmanji iznos je 400,00 KM za 0,5 ha, a najviši iznos je 1.600,00 KM za 2,0 ha zasijanog merkantilnog kukuruza.

Ukoliko ukupan iznos obračunatih novčanih sredstava po svim urednim zahtjevima bude veći od planiranih sredstava, izvršit će se proporcionalno smanjenje iznosa novčanih sredstava po korisniku.

### III. PROCEDURA ODABIRA KANDIDATA ZA DODJELU SREDSTAVA

Gradonačelnik imenuje stručnu Komisiju za odabir kandidata za dodjelu sredstava.

Zadatak Komisije je: pregled prispjelih ponuda, evidentiranje kandidata koji ispunjavaju uslove iz Javnog poziva, sačinjavanje liste krajnjih korisnika, te istu dostavlja Gradonačelniku.

Ukoliko Komisija utvrdi da su kandidati podnijeli prijave na Javni poziv, a da nisu uredno ispunili obaveze iz svih prethodno sklopljenih Ugovora o dodjeli novčanih sredstava iz Budžeta Općine Lukavac po raspisanim Javnim pozivima iz prethodnih godina, prijave istih se neće uzeti u razmatranje.

Saglasnost na predloženu listu daje Gradonačelnik.

Lista odabranih kandidata se objavljuje na oglasnoj ploči Grada Lukavca i službenoj web stranici Grada Lukavca.

Javni poziv će biti objavljen na oglasnoj ploči Grada Lukavca, službenoj web stranici Grada Lukavac i Radio-televiziji Lukavac.

**Javni poziv teče od 17.06.2022. godine i ostaje otvoren zaključno sa 01.07.2022. godine do 15<sup>30</sup> sati.**

Šef odsjeka za privredu

Nihada Bećirović, dipl.pravnik

PO OVLAŠTENJU GRADONAČELNIKA  
broj:02-30-90/22 od 07.03.2022. godine  
Šef odsjeka za upravu

---

Zlatan Žigić, dipl. pravnik